

華東民俗文獻 第七卷

中國華東文獻叢書



中國華東文獻叢書·第四輯

華東民俗文獻

第七卷

甘肅省古籍文獻整理編譯中心
中國華東文獻叢書編輯委員會
編

本卷目錄

斜塘竹枝詞	〔清〕倪默卿撰	〇〇三
古禾雜識	〔清〕項映薇 王壽增輯 吳受福續增輯	〇五五
嘉禾百詠	〔宋〕張堯同撰	一一九
鹽溪漁唱	〔清〕周光瑞撰	一六九
泖水鄉歌	〔清〕俞金鼎撰	二一五
金牛湖漁唱	〔清〕張雲璈撰	二六五
武林雜事詩	〔清〕丁立誠撰	二七七
武林新市肆吟	〔清〕丁立中撰	二九一
都城紀勝	〔南宋〕耐得翁撰	三三九

【清】倪默卿撰

斜塘竹枝詞

〔清〕倪默卿撰。全書有竹枝詞一百首，描述嘉興斜塘（即西塘）風土人情。本書選用的是清光緒十八年（公元一八九二年）刊本。

結塘介技詞

跋

右斜塘竹枝詞壹伯首吾鎮倪默卿先生之所作也

先君諱以埴幼時與先君子同受業於柯清士廣文

汝鎔之門性聰敏勤於誦讀枕經藉史與先君子互

相砥礪務為根柢有用之學故同門舊交中二人最為

莫逆云弱冠隨侍其尊甫檢之贊府景點贊府以牧

令宦遊各省歷任升至順天府治中先生從至春明遂

援例入成均屢應京兆試不售人或為之惋惜而先生
意泊如也晚歸應南闈試亦復偃蹇不得志遂絕意舉
業鍵戶以書籍自娛精研易理且旁通天文地理識緯
之書靡不貫串嘗自言吾之學入理甚深非心契神交
者莫能知也其意蓋指先君子而言也先君子自
捷南宮後以候銓友教四方歲時旋里先生聞之必過
訪作竟日談謨等方成童於隅坐時瞻其丰采聆其

論私心竊歎以為真當代耆宿也 先君子嘗訓誨等

昆季曰吾里現推學問淹博者惟汝師陸午珊上舍及
先生二人而已午珊沈默寡言不輕臧否人物先生則
詞源滾滾瀾翻不竭每論一事援一典原原本本彈見
洽聞不窮竟其源委不止其天性然也後 先君子自
泰和令退居林下杜門謝絕世務獨處後園 先曾祖
所葺之陶後廬書室中裱輯平川詩徵先生家多秘冊

且有鄉先輩之詩文遺集攜示借鈔且於鄉先輩之後
裔搜索其著述以助哀輯乃採訪不及十分之七詎料
陶後廬遭回祿之厄所有原稿底本悉為祝融氏取去
雖從燼餘中收拾殘瀋然僅存什一於千百卒不成書
先君子不勝惋恨以為冥冥之中負此良友苦心為
生平第一憾事也今其哲嗣子竟世兄以此集見示將
付手民囑為弁言於簡端謹何人斯敢序先生之詩然

先生之行誼惟謨知之較詳爰跋數語於簡後而歸之以誌世誼於勿謬云

光緒十有八年歲次壬辰六月朔日同里世愚姪郁洪謨拜跋

斜塘竹枝詞

斜塘竹枝詞

嘉善 倪以壇 默卿

鎮市去邑治二十里南北袤長幾一里東西稍過之
無名勝足供吟賞又僻陋鮮高人顯秩卽往來詩家
亦少留詠然打油擊壤土風自樸固竹枝本色也暇
日學邑中錢孫諸老輩體得詩百首榛櫟不剪凡礫
居多惟冀二三同志因磚引玉感逢飾車庶詩興不
孤更恕而教之則幸甚

二水交流丁字長
伍胥塘盡是斜塘
撈鰕朱頂春江賤
話稻烏鬚秋隴香

斜塘一名西塘又名
平川上流接伍子塘

浚却婁河通上海
潮頭漸覺過西來
秋風網得吳王鱉
不獨霜鱸盡四腮

土產一種魚似分半身並
遊俗名窮塌即膽殘魚也

落落科名翰墨香
後來鵲起噪江鄉
祇今綽楔還能數
留得前朝四姓坊

前明鎮上進士坊有於太守珥陸中丞邨周明府紀
錢御史春四人後太常奇珍太守奇玉明府公桂相
繼登第均
未建立

十詠平川鄉思多灣頭塔影費吟哦竹深徑曲安禪寂
尚有人尋宰堵波

雁塔禪院在西柵旁有石塔土苴集
詩古塔倚清灣行人指點間是也

面面疏寮擁碧流南洪月色最宜秋蘆花風起潮痕白

斷碁還教認狎鷗

狎鷗亭址在馬鳴菴
對岸邑志誤作泊鷗